



# SAUP IBAT BABO

Tinipun nong  
Watson Goodman

Libre—E Pisasali

## **SAUP IBAT BABO**

**“Saup Ibat Babo” metung yang pamiabe-abe ra ding miagpang a versiculo king Kasulatan karing miayayaliwang tema. Paniwalan ko king ing mayap diling comentaryo king Kasulatan ya kabud ing Biblia.**

**Ing Amanu ning Dios a “ibat babo” ya ing babie saup karing pusu a daranup at kakau king katuliran. Potang ing tau sisi ya kalinguan na ing kasalanan tanggapan ne ing Guinung Jesus, manuknangan king keang pusu at maniwala ya antimong keang Talapagligtas ing Guinu ipakit na ing sarili na kea, at pagkalub na kea ing Keang Ligaya at Kapayapan kenumang maniwala. Iti ya ing sibukan ko manibat ketang 1937 at kapilan man eku sinisi king makapagmulalang pangaugne ko king Guinu manibat na kanita. Yaduan ko kekayu, isuku yu ing sarili yu Kea antimong kekong Magligtas at Guinu NGENI nung eyu pa depatan iti.**

**—Watson Goodman (1920-2002)**

**Roma 5:8**

Dapot ing Dios itatalaga na ing keang lugud dkil kekatamu, uling kanitang itamu makasalanan ta pa, i Cristo mete ya king uli tamu.

**Juan 13:1**

Ngeni itang bayu ing pista ning pasku, inyang akilala nang Jesús king miras na ing oras a mako ne keti king yatu at ume king Ibpa, anti ning liguran nala ding kea keti king yatu, liguran nala angga king kapupusan.

**Apocalipsis 1:5**

At manibat kang Jesucristo, a ya ing saksing tapat, ing pangane karing mete, at ing pekapun da

ding ari keti sulip. Kanitang lulu-gud kekatamu at kelag nakatamu king kekatang kasalanan king pamamilatan ning kea mu ring daya.

**Juan 3:16**

Uling king lugud ning Dios king yatu, binie ne ing Anak nang bugtung, bang ing ninu mang maniwala kea, e ya mate nung e mirinan yang bie alang angga.

**Jeremias 31:3**

I JEHOVA pepakit ya king minuna kanaku, ngana, Wa, aku liguran dakang alang anggang lugud: inya pin linapit ku keka a ating kayubuan a lub.

1 Timoteo 3:16

At king alang nanumang pami-salangsang, maragul ya ing misterio ning kabanalan; itang mipabalu king laman, mipatutuan king espíritu, meakit karing ángeles, mipanaral karing bansa, mepaniwala king yatu, metanggap babo karing king ligaya.

Juan 14:9, 10a

I Jesús sinabi na kea, Makaba nang panaun abe yuku at e muku pa balu, Felipe? ing menakit kanaku, ikit ne ing Ibpa; baket sasabian mu pin, Ipakit me kekami ing Ibpa? E ko maniwala king ati ku king Ibpa, at ing Ibpa atiu kanako?

Mateo 1:22, 23

Ngeni ing keganaganang iti mepalyari ngan bang matupad ing sinabi na ning Guinu king pamamilatan ning manula, ngana: oini ing dalagang alang bakas muktut ya. At manganak yang metung a lalaki, at mipalaguiwan yang Emmanuel; a ing kabal-dugan na, Ing Dios kayabe taya.

Juan 1:1 at 14

King kamumulan ya ing Verbo, at ing Verbo kagum ne ning Dios, at ing Verbo Dios ya. . . . At ing Verbo mikatawan yang tau, at mekiabe ya kekatamu, . . . mitmu ya king kalam at king katutuan.

**1 Juan 4:15**

Ninuman ing mipasiag king i Jesús ya ing Anak ning Dios, ing Dios manuknangan ya kea, at ya king Dios.

**Colosas 2:9**

Uling kea manuknangan ing mabilug nang panga Dios king pamikatawan tau.

**Isaias 9:6**

Uling kekatamu mibait ya ing metung a anak, ing metung a anak a lalaki miabie ya kekatamu; at ing pamanibala mibili king keang pago: at ing keang laguiu mayaus yang Makapagmulala, Talausuk, Makapayan a Dios,

Alang anggag Ibpa, Principe ning Kapayapan.

**Lucas 1:35**

At mekibat ya ing ángel, ngana kea, Ing Espiritu Santo ume ya keka, at ing upaya ning Kakatas-katasan lilungan naka: uli niti ing banal a pungul a mibait, mayaus yang Anak ning Dios.

**Mateo 17:5**

Kabang maniabi ya mu, oini, ing metung a masalang biga selilungan nala: at oini, ing metung a siwala linual ya king biga at sasabian na, Iti yang Anak kung kaluguran, a kea atiu ing tula ku; pakiramdaman ya.

## 4 Y JESUS SASABIAN NA NUNG NINU YA

**Juan 8:23**

At ya sinabi na karela, Ikayu ibat ko lalam at aku ibat ku babo; ikayu king yatu kong iti; aku e ku king yatung iti.

**Juan 11:25**

I Jesús sinabi na kea, Aku ing pangasubling mebie at ing bie: ing maniwala kaku aguiang mete ya, makanian man mie ya.

**Juan 13:13**

Ikayu ausan yuku, Maestro, at Guinu; at mayap ing sasabian yu; uling makanian ku pin.

**Juan 9:5**

Ngening ati ku keti king yatu, aku ing sulu na ning yatu.

**Juan 6:35**

I Jesus sinabi na karela, Aku ing tinape ning bie: ing lumapit kanaku e dumanup, at ing maniwala kanaku kapilan man e kumau.

**Juan 8:58**

Sinabi na pin karelang Jesús, Ing katutuan, ing katutuan, sasabian ku kekayu, Bayu ya pin mibait i Abraham, atiu naku.

**Juan 10:7**

I Jesús pin sinabi nang pepasi-bayu karela, King katutuan, king katutuan sasabian ku kekayu, Aku ing pasbul da ding tupa.

# MAPILAN A MILAGRONG DEPATAN NANG JESUS

5

Mateo 14:19-21

At inutus na karing kekaldan king magjilig la babo ning dikut; at kinua no ding limang tinape at ding aduang asan, at tinalanga ya banua binendiciunan nala at pira-kerake no ding tinape, at binie no karing alagad, at ding alagad, karing kekaldan. At mengan la ngan, at kinabsi: at kingua ra ing pising mitagan, labingaduang salikap a mitmu. At ding mengan ating limang libu katau, e la pa kabilang ding babai ampon anak.

Lucas 5:5, 6

At i Simón mekibat ya, at ngana, Maestro, kabukas keng

mumumang, at ala keng ikua nanuman: dapot, king uli ning amanu mu ibaldug ko ding lambat. At inyang depatan da iti mekakulung lang binang dakal a asan; at maguiguisi la ding karelang lambat.

Mateo 20:30 at 34

At oini ding aduang bulag, a makalukluk lele dalan, inyang damdaman da king i Jesús, lalabas ya, kinulait la, ngara, Guinu, malunus ka kekami, anak nang David. . . . At i Jesús, king pangalunus na karela inapis no mata; at ita murin misubli ing panimanman da; at tinuki la kea.

## **6 Y JESUCRISTO A TALAPAGLALANG AT GUINU**

**Roma 14:9**

Uling king uli niti i Cristo mete ya at pepasibayung mebie bang yang maguing Guinu ra ding mete ampon ding mabie.

**Hebreos 1:2**

Dios . . . sinabi na king katataulian da deting aldo, kekami king pamamilatan ning Anak na, nung ninu ing tilduan nang talapagma-na karing anggung bague, a king pamamilatan na naman guewa no ding panaun.

**Colosas 1:16**

Uling king uli na melalang ing keganaganang bague, karing banua at king babo ning labuad, ding bague mayayakit at ding

bague a e mayayakit, maguing ding luklukan da man ding ari, o ding pamaniakup, o ding pekapun, o ding kayupayan; ding sablang bague melalang la king pamamilatan na at king uli na.

**Juan 1:3**

Ing keganaganang bague mepalyari ngan king uli na, at nung e ya nanuman king melelang alang milyari.

**Dapat 2:36**

Paburen yu king ing mabilug nang bale ning Israel abalu na king ing Dios guewa neng Guinu at Cristo, i Jesús mu ring iti a kekong pinaku.



**Roma 14:10**

Dapot ika, baket atulan me ing kekeang kapatad? o pasibayu ika, baket payalan meng kabaldugan ing kekeang kapatad? uling itamu ngan talakad tamu king arapan na ning piukuman na ning Dios.

**Mateo 25:32**

At king arapan na mitipun la ding anggang bansa: at pikaliluan na lang sikakatau anti mo ing pastul kakalilua no ding tupa karing kambing.

**Juan 5:22**

Uling ing Ibpa e mamatul kaninumang tau, nung e binie na king Anak ing mabilug a pamanatul.

**Roma 2:16**

King aldo a atulan na ning Dios ing dapat dang makasalikut ding tau agpang king kakung evangelio, king uli nang Jesucristo.

**2 Timoteo 4:1**

Panabilin ku keka king arapan na ning Dios, at kang Cristo Jesús, a matul karing mabie at karing mete, at king keang pangalto at king keang kayarian.

**Dapat 10:42**

At ya inutus na king manaral ke king balayan, at patutuan mi king iti ya itang inalal ning Dios bang maguing Ukum de ding mabie ampon mete.

## 8 PANGALIGTAS BUKUD MUNG KAPAMILATAN NANG CRISTO

Juan 10:9

Aku ing pasbul; uli ku nung ninumang lungub, miligtas ya, at lungub ya, at lual ya, at manakit yang pagpastulan.

Juan 14:6

I Jesús sinabi na kea, Aku ing dalan, at ing katutuan, at ing bie; ninuman alang miras king Ibpa, nung e king uli ku.

Hebreos 7:25

King uli na naman niti malyari yang mangabus angga king lalung matas karing lalapit king Dios king pamamilatan na, pablasang makapanatili yang mabie bang mamilatan ya karela.

Juan 8:24

Inya sinabi ku kekayu, king mate kayu king kasalanan yu: uling subaling maniwala kayu king aku pin, mate ko king kekong kasalanan.

Hebreos 5:9

At inyang sakdal ne, meguing penibatan ne ning alang anggang pangakabus da ding sablang kea mamintu.

Dapat 4:12

At kaninu pa man alang kaligtasan; uling ala metung mang laguiu lalam ning banua, a miabie karing tau, a makakabus kekatamu.

# PANGALIGTAS BUKUD MUNG KAPAMILATAN 9 NANG CRISTO

**Tito 2:14**

A iti binie na ing keang sarili king uli tamu, bang atbusan naka tamung ibat king anggung dewakan, at linisan ne king sarili na ing metung a tau a tune nang bandi, mapagmalasakit king mayap a dapat.

**Apocalipsis 5:9**

At dadalit lang metung a bayung dalit, ngara, karampatan kang kuma king libru, at muklat karing keang tatak: uling pete raka, at seli mo king Dios king daya mung sarili, ding anggung dai, at amanu, at balayan at bansa.

**Lucas 19:10**

Uling ing Anak ning tau dinatang ya baneng panintunan at iligtas ing mebating.

**Colosas 1:12-14**

Babie pasalamat king Ibpa, a dinapat kekatamu batang maguing karampatan a maguing karake king mana ra ding banal king sala; a miligtas kekatamu king kayupayan na ning dalumdum, at linipat nakatamu king kayarian na ning Anak na ning keang lugud; a kea atiu ing kekatang pangayatbus, ing kapatawaran ning kekatang kasalanan.

# MEYATBUS TAMU KAPAMILATAN NING DAYA NANG CRISTO

1 Juan 1:7

Dapot nung lalakad tamu king sala, anti mo ya atiu king sala, atin tang pamakiagum king metung at metung, at ing daya nang Jesús a keang Anak lilinisan nakatamu king sabla táng kasalanan.

1 Pedro 1:18, 19

Baluan yu king meatbus kayu, e karing bague a masisira, king pilak o guntu, ibat king ayus ning kekong alang kabaldugan a kabiayan a miabie ibat karing kekong ibpa; nung e king maulangang daya, anti mo ing metung a cordero a alang pangapintas at

alang dungis, a ya ing daya nang Cristo.

Efeso 1:7

A kea atiu ing kekatang pangayatbus king pamamilatan na ning keang daya, ing pangapatawaran ning kapanalangsangan tamu, agpang king pibandian na ning keang kalam.

Hebreos 9:14

Lalu na pa ing daya nang Cristo a iti king pamamilatan na ning alang anggung Espiritu inain na ing keang sarili alang musing king Dios, linisan na ing kekong pilubluban karing dapat a mete bang sumuyu king Dios a mabie?

# KALIGTASAN KAPAMILATAN NING KASALPANTAYANAN KANG CRISTO

11

Uling king kalam makakabus kayu king pamamilatan na ning kasalpantayanan; at e ibat keka-yu mu rin, iti kalam na ning Dios; e king uli ra ding dapat, bang ni-numan e ya magmarangal.

—Efeso 2:8, 9

Anti ning metanggap ping banal king kasalpantayanan, atin tamung kapayapan king Dios king pamamilatan na ning Guinu táng Jesucristo.

—Roma 5:1

Uling kang Cristo Jesús ni ing pangatuli alang kabaldugan, ni ing e pangatuli; dapat ing kasalpantayanan darapat king pama-

milatan na ning lugud.

—Galacia 5:6

Uling ninuman ing penganak na ning Dios dadaigan ne ing yatu: at iti ya ing pamagwaguing dadaig king yatu, a ya pin ing kekatang kasalpantayanan.

—1 Juan 5:4

Dapot deti misulat la, bang maniwala kayu king i Jesús ya ing Cristo, ing Anak ning Dios; at king pamaniwala mirinan kong bie king laguiu na.

—Juan 20:31

At ila sinabi ra, Maniwala ka king Guinung Jesús, at miligtas ka, ika at ing bale mu.

—Dapat 16:31

Uling nung makananung ding banua matas la king babo ning labuad, makanian karagul ing keang kapakaluluan karetang tatakut kea. —Dalit 103:11

Dapot ing kapakaluluan nang JEHOVA manibat king alang angga angga king alang angga karetang tatakut kea, at ing keang katuliran angga karing anak da ding anak. —Dalit 103:17

Ninu ing metung a Dios a anti ika, a patawad king dewakan, at lalagpus king pamanalangsang ding mitagan king keang mana? E na kukubut ing keang mua

kapilan man, uling tutula ya king kapakaluluan. —Miqueas 7:18

Uling ing keang kapakaluluan maragul king babo ra ding banua; at ing keang katutuan miraras karing katasan. —Dalit 108:4

Atiu karing pakalulu nang JEHOVA a e tamu malipul, uling ing keang kapibabatan e maguiguisan. Pawang bayu la balang abak; maragul ing keang pamagtapat. —Tagulele 3:22, 23

Nuan ya ing Dios at Ibpa ning Guinu táng Jesucristo, ing Ibpa ning kapakaluluan ampon Dios ning sablang tula. —2 Corinto 1:3

# ING DIOS AUSAN NAKATAMUNG LUMAPIT KEA

13

Lumapit ko kanaku ikong ang-  
gang mapagal na at kababayat-  
nan, at aku dinan dakong ka-  
painawan. —Mateo 11:28

Ho, ing balang mau, ume ya  
king danum, at ing alang salapi;  
ume ya keni, sali ya, at mangan  
ya; wa, ume ya keni, sali yang  
alak at gatas alang salapi at alang  
alaga. —Isaias 55:1

Ngeni king tauling aldo, king  
karagulan nang aldo ning pista  
tinalakad ya i Jesús at kinulait  
ya, sinabi na. Nung ing ninuman  
mau ya, ume ya kaku at minum  
ya. —Juan 7:37

At ing Espiritu at ing asawang  
babai ngara, Lumapit ka. At ing  
daramdam, pabustan yung sabian  
na, Lumapit ka. At ing mau,  
pabustan yung lumapit: ing bisa,  
pabustan yung kuma ya king  
danum ning bie, alang bayad.

—Apocalipsis 22:17

Ume ko keni ngeni, at mipag-  
matulid tamung makapamisan,  
nganang JEHOVA: king bistat  
ding kekong kasalanan anti mo  
ing grana, maguing maputi la a  
anti mo ing nieve; king bistat  
malutu lang anti mo ing carmesi,  
maguing anti la mo ing bulbul  
ning tupa. —Isaias 1:18

Kaniti ding anak ning Dios mipakilala la at ding anak ning diablo: itang e darapat katuliran e king Dios, ni itang e lulugud king keang kapatad mu naman.

—1 Juan 3:10

Uling ding angang tatairan na ning Espiritu ning Dios, deti anak no ning Dios. Uling e ye tinggap pasibayu ing espiritu ning pangayalipan king takut; dapot tinggap ye ing espiritu ning pangatanggap anting anak, a king uli na niti kukulait tamu, Abba, Ibpa.

—Roma 8:14, 15

Bang maguing ala kong pangapintas at alang malit, anak ning Dios a alang musing king libutad

na ning metung a dai a baluktut at marawak, a libutad da deti mayayakit kayu anti mong sulu king yatu.

—Filipos 2:15

King uli na niti Mako kayu karela at kalilua kayu, ngana ning Guinu, at e ko tatagkil karing bague a marinat; at aku tanggapan dakayu, at akung kekong maguing Ibpa, at ikayu ding anak kung lalaki at anak a babai, ngana ning Guinung Mayupaya king Sabla.

—2 Corinto 6:17, 18

Dapot detang kea tinanggap pigkaluban nong mipalaguiuan anak ning Dios; detang maniwala king laguiu na.

—Juan 1:12



# NANU ING SASABIAN NING DIOS TUNGKOL 15 KING MAKALASING A INUMAN

Isaias 5:11

Kalulu na la ding mibabangun maranun king abak, balang makatuki king makalasing a inuman; a malalalam bengi, angga king pablalaban no ning alak!

Galacia 5:19-21

Ngeni ding dapat ning laman mibulalag la, a ila deni: pamakipangalugud, karinatan, kalibian, pamaniambang idolos, pamaganitu, pamipagkamua, pamipate, pamangalalu, kamua, kaguluan, pamidakedake, pamikampikampi, diria, pamaglasing, katakawan at aliwa pang bague anti kaniti; a tungkul kareti iniwaran da na

kong makauna, anti mu ing sinabi ku na kekayu, bang ding misasane karing anti kareting bague e ra manan ing kayarian na ning Dios.

Roma 13:13, 14

Lumakad tamung binang mapuri, anti mong king aldo; e king katakawan ampon kalasingan, e king kalibian ampon kanawangan, e king pamipapagkamua at pamipapangalalu. Dapot miblas kayu king Guinung Jesucristo, at e yu dirinan alale ing laman ban namung apanusigan ing keang kelabuaran.

At ya sinabi na kea, Luguran me ing Guinung Dios mu mabilug king pusu mu, at mabilug king kaladua mu, at mabilug king kaisipan mu. —Mateo 22:37

... Mayap a Maestro, nanung daptan ku bakung manan ing bie alang angga? At i Jesús sinabi na kea, Baket sasabian mu kung mayap? ninuman alang mayap nung e mu metung, a yamu ing Dios. Ika balu mo ding kautusan, E ka makamate, E ka darapat paliwas, E ka manako, E ka patutu king e katutuan, E ka mamirait, Igalang me i ibpa mu at i indu mu. At ya sinabi na kea, Maestro, iti

ngan tiparan ku ibat pa king ka yanakan ku. At i Jesús kanita dinangat na kea ing panimanman na, liguran ne, at sinabi na kea, Metung a bague ing kulang keka: Ume ka, pisali mu ing anggang kayatinan mu, at ibie mu karing pakakalulu, at mika pibandian ka banua: at ume ka keni, tuki ka kaku. Dapot melungkut ing aske nang lupa king amanung iti, at malumbe yang meko: uling maragul ya pibandian.

—Marcos 10:17-22

Ating metung a dalan a balamu matulid ya king metung a tau, dapot ing wakas na nita dalan la king kamatayan. —Kasebian 16:25

E yu paburen a ing ninuman piraitnan nakayu karing amanung alang kabaldugan: uling king uli ra pin ding bague a deti daratang ing mua na ning Dios karing anak ning kapanalangsangan. —Efeso 5:6

Dapot maguing talatupad kayu king amanu, at e mu kabud talapakiramdam, a pipiraitnan yu ing kekong sarili. —Santiago 1:22

O e yu wari balu king ding e banal e re manan ing kayarian na ning Dios? E ko paipirait; ni ding makipangalugud, ni ding sasamba karing idolos, ni ding paliwas, ni ding maganting babai, ni ding makipangatawan lupang lalaki, ni

ding mapanako, ni ding mapanangkamin, ni ding mapaglasing, ni ding mapanagkas, ni ding mapaniupil, e re manan ing kayarian na ning Dios. —1 Corinto 6:9, 10

Mangalati kung anak, e yu pabustan king ing ninuman ilili nakayu: ing darapat katuliran banal ya, anti mo ya banal ya. Ing darapat kasalanan king diablo ya; uling manibat king mula ing diablo mikakasala ya.

—1 Juan 3:7, 8a

Uling nung ing ninuman isipan na king atin yang kabaldugan ngening ala yang kabaldugan, pipiraitnan na ing keang sarili.

—Galacia 6:3

## 18 ING KASALANAN MAGDALANG KAMATAYAN

Inya pin, nung makananu a king uli ning metung mung tau ing kasalanan linub king yatu, at king uli ning kasalanan, ing kamatayan; at kaniti ing kamatayan dinalan karing anggung tau, uling ding sabla mikasala la.

—Roma 5:12

Kanita ing kelabuaran, ngening mipangagli ya, ibunga na ing kasalanan: at ing kasalanan, ngening ganap ne king dagul, ibunga ne ing kamatayan. —Santiago 1:15

Ing kaladua a mikakasala, iti mate ya: ing anak a lalaki e na dalan ing dewakan na ning ibpa, ni ning ibpa e na dalan ing dewakan na ning anak a lalaki;

ing katuliran na ning matulid mibili kea, at ing dewakan na ning marawak mibili kea.

—Ezequiel 18:20

Uling ing kaisipan ning laman kamatayan; dapot ing kaisipan na ning Espiritu bie at kapayapan.

—Roma 8:6

Dapot karampatan ing dapat pamagsaya at bang tumula: uling ing kapatad mung iti mete nea, at sinubli yang mebie; mebating ne at meakit ya.

—Luca 15:32

Itang matatag king katuliran magkamit yang bie; at ing tatagal king dewakan daraptan na iti king sarili nang kamatayan.

—Kasebian 11:19

## Y CRISTO SIMBUT NA ING KAMATAYAN 19

At linapit ya, tigkilan ne ing ka-  
baung: at ding magdala tinuk-  
nang la. At sinabi na, Baintau,  
sasabian ku keka, talakad ka. At  
linukluk ya ing mete, at migmula  
yang miniabi. —Lucas 7:14, 15a

At pangasabi na niti, kinulait  
ya king masikan a siwala, Lázaro,  
lual ka. At itang mete linual ya,  
makatali ya bitis ampon gamat  
king pamalut mete; at makabalut  
ya lupa king metung a ulas. I  
Jesús sinabi na karela, Kalagan  
ye, at paburen yeng mako.

—Juan 11:43, 44

Uli na niti ing Ibpa kaluguran  
naku, uling daraun ke ing bie ku,  
bang kuanan keng pasibayu.

Alang ninumang makalako kaniti  
kanaku, nung e kusa kung  
idaraun. Atin kung kayupayan  
munie, at atin kung kayupayan a  
kuanan kung pasibayu. Ing  
kautusan a iti tinggap ku a ibat  
kang Ibpa ku. —Juan 10:17, 18

At ing Mabibie; at aku mete ku,  
at oini, aku mabie ku angga king  
mangga, at atilu kaku ding susi  
ning kamatayan at ning Hades.

—Apocalipsis 1:18

Uling karampatan king ya ma-  
gari ya, angga king abili nala ding  
keang kasalang lalam ding keang  
bitis. Ing tauling kasalang e  
keang ilako ya ing kamatayan.

—1 Corinto 15:25, 26

## Deuteronomio 5:7-21

E ka mikaka dioses a aliwa king arapan ku.

E ka gagawa dikil keka a metung a larawan a dinukit, ni kalupa na ning nanumang bague a atiu king babo banua, o king atiu lalam na ning labuad, o king atiu king danum king lalam na ning labuad: E ka duruku karela, ni susuyu karela . . . .

E me gagamitan ing laguiu nang JEHOVA a kekanng Dios king alang kabaldugan: uling i JEHOVA e ne payalan kasalanan ing gumamit alang kabaldugan king laguiu na.

Ipangiling me ing aldo ning sabbath, bang aingat meng banal, anti mo ing inutus na kekanng JEHOVA a kekanng Dios. Anam a aldo dapat ka, at daptan mu ing anggung kekanng dapat. . . .

Igalang me i ibpa mu i indu mu, anti mo ing inutus na kekanng JEHOVA a kekanng Dios . . . .

E ka makamate.

Ni darapat mang pamakipaliwas.

Ni manako man.

Ni sasaksi man king e katutuan laban king kalupa mung tau.

Ni angkaminan man ing asawa na ning kalupa mung tau; ni pagimbutan man ing bale na ning

kalupa mung tau, ing keang  
marangle man, o ing ipus na mang  
lalaki, o ing ipus na mang babai,

ing keang vaca man, o ing keang  
asno man, o ing nanumang bague  
a bandi ning kalupa mung tau.

## ECO MISALIKUT KING DIOS

21

Job 34:21, 22

Uling ding keang mata atilu  
king dalan na ning metung a tau,  
at keang akakit ing anggung  
lakad na. Alang dalumdum, ni  
makapal mang pisak, a nung nu la  
malyaring misalikut ding talapa-  
niapat king marawak.

Jeremias 23:24

Malyari kayang ing ninuman  
asalikut na ing keang sarili karing  
lijim a kakarinan bang keta e  
ke malyaring aket? nganang

JEHOVA. E ke wari kakatmuan  
ing banua at ing labuad? nganang  
JEHOVA.

Lucas 8:17

Uling alang nanumang bague a  
makasalikut a e mibulalag; at  
alang nanumang bague a makali-  
jim a e makilala, at mibili king  
sala.

Kasebian 15:3

Ding mata nang JEHOVA atilu  
king balang karinan, a magbante  
king marawak at king mayap.

## ALANG ANGGANG PARUSA KARING MAKASALANAN

Dalit 9:17

Ing marawak mibalik ya king Sheol, ding anggong bansa pin a mangalinguan king Dios.

Mateo 25:46

At deti ume la king parusang alang angga: dapot ding banal king bie alang angga.

Mateo 13:41, 42

Padala no ning Anak ning tau ding keang angeles, at tipunan dong ikawani king keang karyarian detang anggong bague a makatakid, at detang darapat marawak, at yugse ro king horno ning api: karin na ing tangis ampon ing pamitiguis ding ipan.

Mateo 18:8

At nung ing gamut mu o bitis makapauli ya king ikatakid mu, pututan me at ilako keka; mayap keka ing lungub kang putul o pile king bie, king ketang atin kang aduang gamat o aduang bitis, miugse ka king aping alang angga.

2 Pedro 3:7

Dapot ding banua ngeni ampon ing labuad, king ulina mu rin ning sadiang amanu makatipun la dikil king api, anti na ning makatalaga la salang king kayaldawan na ning pamanukum ampon ning pangalipul da ding taung mangarawak.



**Dapat 17:31**

Anti na ning ya mitalaga yang aldo a ipanukum na king meto yatu king matulid, king pamamalatan na ning metung a lalaking telaga na; a iti papatutuan na karing sablang tau, ketang ya ibangun neng ibat karing mete.

**2 Pedro 2:9**

Ing Guinu balu nong iligtas king tuksu ding banal, at ibili ding e banal bang magkamit parusa king kayaldawan na ning pamanukum.

**1 Juan 4:17**

Kaniti melubus kekatamu ing lugud, batang mika ating tetagan king kayaldawan na ning pama-

nukum; uling nung makananu ya, makanian tamu itang king yatang iti.

**2 Corinto 5:10**

Uling kailangan a ike ngan malyari keng mipakilala king arapan na ning luklukan ning piukuman nang Cristo; bang ing balang metung tanggapan no ding bague mengarapat king katawan, agpang king depatan na, aguiang mayap man o marawak.

**Hebreos 9:27**

At makanian mu naman anti ning mitalaga karing tau king mate lámung misan, at kaibat na niti tuki na ing pamanukum.

Roma 9:16

Inya pin e dikil king maki buri, ni e dikil king pupulai man, nung e king Dios a maki kapakaluluan.

1 Pedro 5:5b

... Dios makisalangsang ya karing palalu, dapot babie yang kalam karing mapagpakumbaba.

2 Corinto 9:15

Salamat king Dios king uli na ning keang kalam a e pasabi.

Roma 5:15

Dapot e anti mo ing kapanalangsangan, makanian ya naman ing kalam a alang bayad. Uli ping nung king uli na ning kapanalangsangan na ning metung, ding malda mete la, lalu na pa ing

kalam ning Dios, at ing pigkalub king uli na ning kalam ning metung a tau, i Jesucristo, laga- nap labislabis karing dakal.

Dapat 4:33

At king maragul a kayupayan minie lang patutu ding apóstoles king pamanyubli nang mebie ning Guinung Jesús; at dakal a kalam ing atiu karela ngan.

2 Corinto 8:9

Uling balu yu ing kalam na ning kekatáng Guinung Jesucristo, king, king bistat mabandi ya, makanian man king uli yu mekalulu ya, bang ikayu king pamamilatan na ning keang kakaluluan mibandi kayu.

**Dapat 17:30**

Ing panaun na pin ning kamangmangan pepalipas na ning Dios; dapot ngeni iyutus na karing tau, king ila ngan, nukarin pa man, king sumisi la.

**Dapat 3:19**

Sumisi ko pin, at mibalik kong pasibayu, bang makalis ing kekong kasalanan, bang datang ing panaun ning kapasnawan ibat king arapan na ning Guinu.

**Dapat 2:38**

At i Pedro sinabi na karela, Sumisi kayu, at pabinyag kayu balang metung kekayu king laguiu nang Jesucristo king

kapatawaran ning kasalanan yu; at tanggapan yu ing kalam ning Espiritu Santo.

**2 Corinto 7:10**

Uling ing banal a lungkut darapat king pamanisi dikil king kaligtasan, metung a pamanisi a e magdalang kalungkutan: dapot ing kalungkutan king yatu bunga na ing kamatayan.

**Mateo 3:2**

Sumisi kayu; uling ing kayarian banua linapit na.

**Lucas 13:3**

Ali, aku sasabian ku kekayu, bagkus nung e ko sumisi, iko ngan mate kayu namang makanian.

Mateo 6:14

Uling nung patawaran yo ding tau king karelang kasalanan, patawaran na kayu naman ning Ibpa yung atiu banua.

Apocalipsis 3:20

Oini, ati ku makatalakad king pasbul at titigtig ku: nung ninuman pakiramdaman na ing siwala ku at ibuklat ne ing pasbul, lungub ku kea, at makiapun kung kasulu na, at ya kanaku.

Isaias 55:7

Paimburisan na sa ning marawak ing keang lakad, at ing e matulid ing keang pamiisip; at pabustan yang mibalik kang JEHOVA, at mika pakalulu ya kea;

at king kekatang Dios, uling labislabis yang mamatawad.

Dapat 5:31

Iti, ing Dios siplala ne king wanan na bang maguing Príncipe at Magligtas, baneng dinan pamanisi ing Israel, at mamatawad king kasalanan.

Marcos 2:5

At inyang akit na ping Jesús ing kasalpantayanan da sinabi na king lumpu, Anak a lalaki, ding kasalanan mu mipatawaran la.

Lucas 24:47

At magmula Jerusalem mipanaral king laguiu na karing anggang bansa, ing pamanisi king kapatawaran king kasalanan.

# ING PANGAKALILWA KING BIE MAKAYATU 27

Tito 2:11, 12

Uling mipakilala ing kalam ning Dios, a iti daralan na ing pangakabus karing anggang tau, ituturu nakatamu, king kapagnasan a, tumikus tamu king dewakan at king kapagnasan king kelabuaran, itamu sukat táng mie maisip at matulid at banal kani-ting yatung salukuyan.

Colosas 3:2

Isipan yu ding bague karin babo, e ding bague keti sulip.

1 Juan 2:15, 16

E ye luluguran ing yatu, ni ding bague mang atiu king yatu. Nung ninuman kaluguran ne ing yatu,

ing lugud ning Ibpa alayu kea. Uling ing keganaganang atiu king yatu, ing kaibugan ning laman at ing kaibugan da ding mata, at kaparangalan ning bie, alayu king Ibpa, nung e king yatu.

Efeso 5:11

At e ko makiabe karing alang bungang dapat ning dalumdum, nung e bagkus sabianan yula.

Isaias 1:16

Manuas kayu, maglinis kayu; ilako yu ing dewakan ding kekong dapat king arapan da ding kakung mata; patugut kayu king pamaniapat dewakan.

Ezequiel 36:26

Aku dinan dakayu namang metung a bayung pusu, at ibili ke ing metung a espiritung bayu king lub yu; at ilako ke ing pusung batu manibat king kekong laman, at dinan dakayung metung a pusung laman.

1 Juan 2:29

Nung balu yu king ya banal ya, baluan yu naman king detang anggang darapat katuliran penganak nala.

2 Corinto 5:17

Inya nung ninuman atiu kang Cristo, metung yang bayung melalang: ding bague a matua linipas na la, oreni, meguing bayu la.

1 Juan 5:18

Balu tamu king ninu mang penganak ning Dios, e ya mikakasala: dapot ing penganak ning Dios, ingatan ne ing sarili na, at e ne tagkilan ning marawak.

Juan 3:3

Mekibat ya i Jesús at sinabi na kea, Ing katutuan, ing katutuan sasabian ku keka, Nung e ya mu mibait pasibayu ing tau, e ne akit ing kayarian na ning Dios.

1 Pedro 1:23

Penganak nakong pepasibayu, e king bining masisira, nung e king e masisira, king pamamilatan na ning amanu ning Dios, a iti mabie at manatili.

# METE KING KASALANAN — PANGASUBLING 29

## MIE KANG CRISTO

**Efeso 2:1 at 6**

At ikayu biniayan nakayu, kanitang mete kayu king kapanglangangan at king kasalanan, ... At binangun nakatamung kayabe na, at pepaluklukan nakatamung kayabe na karing karinan king banua, kang Cristo Jesús.

**Colosas 3:1**

Nung mibangun ko ping abe nang Cristo, panintunan yu ding bague a atiu babo, a nung nu ya karin i Cristo, makalukluk king wanan na ning Dios.

**1 Pedro 2:24**

A ya mu rin dela na ing kekatang kasalanan king sarili nang

katawan babo na ning dutung, bang itamu, anti ning mete tá na king kasalanan, mie tamu king katuliran; a king uli ra ding keang sugat kinayap kayu.

**Galacia 5:24**

At detang kang Cristo Jesús pinaku re ing laman pati na ing karelang kaibugan a milalu ampon ing karelang kelabuaran.

**Rom 6:2 at 11**

Itamung mete king kasalanan, makananu táng mie pa kaniti? ... Makanian mu naman ikayu ibilang yu king mete nakayu king kasalanan dapot mabie kayu king Dios kang Cristo Jesús.

Juan 3:14, 15

At nung makananu neng tela-  
kad Moises ing ubingan king  
ilang, makanian mu naman  
kailangan ing mitalakad ya ing  
Anak ning tau; bang ing ni-  
numang maniwala kea mirinan  
yang bie alang angga.

Juan 17:3

At iti ya ing bie alang angga,  
king ika pakibaluan daka a  
metung mung tune Dios at ing  
kegang tinubud, a i Jesucristo.

Juan 3:36

Ing mamalut tatanggapan na  
ing upa na, at titipun yang bunga  
dikil king bie alang angga; bang

ing tatanam at ing pupupul mia-  
be lang magsaya.

Roma 6:23

Uling ding bayad ning kasala-  
nan ing kamatayan; dapot ing  
kalam nang alang bayad ning  
Dios ya ing bie alang angga kang  
Jesucristong Guinu tamu.

Juan 5:24

Ing katutuan, ing katutuan  
sasabian ku kekayu, Ing ma-  
kiramdam king amanu ku, at  
maniwala kanitang kanaku mi-  
tubud, atin yang bie alang  
angga, at e ume king kayatulan,  
nung e linipat ne king kabiayan  
ibat king kamatayan.



**Isaias 32:17**

At ing dapat ning katuliran maguing kapayapan; at ing bunga na ning katuliran, katajimikan at katiwalaan kapilan man.

**Galacia 4:6**

At anti ning anak kayu, pepabal ne ning Dios ing Espiritu na ning keang Anak karing kekatang pusu, kukulait tamu, Abba, Ibpa.

**Juan 14:21**

Ing maki atin karing utus ku, at tutuparan nala, yang ya ing malugud kanaku, at ing malugud kanaku luguran neng Ibpa ku, at aku luguran ke, at pakilala ku ing sarili ku kea.

**Roma 8:16**

Ing Espiritu mu rin babie yang patutu a makayagum king kekatang espiritu, a king itamu anak nakatá ning Dios.

**1 Juan 3:18, 19**

Mangalati kung anak, e ta lulu-gud king amanu, ni king dila, nung e king dapat at king katutuan. Kaniti akikilala tamu king itamu ati tá king katutuan at pipilitan taya ing kekatang pusu king arapan na.

**1 Juan 4:13**

Kaniti abalu tamu king manuk-nangan tamu kea, at ya kekatamu, uling dininan nakatamu king keang Espiritu.

## 32    ING PAMANANGGAP KANG CRISTO BABIE TULA KING BIE

Dapot ngeni ume ku keka; at deting bague sasabian ko keti king yatu, bang ila mika atin la king tula kung meguing ganap king sarili ra.       —Juan 17:13

Uling ing kayarian na ning Dios e ing pamangan at e ing pamani- num, nung e ing katuliran, at ing kapayapan, at ing tula king Espiritu Santo.       —Roma 14:17

Mipaku kung abe nang Cristo; at aliwa na aku ing mabibie, nung e i Cristo yang mabibie kanaku: at ing bie a ita a ngeni mabibie ku king laman mabibie ku king ka-

salpantayanan, ing kasalpanta- yanan a atiu king Anak ning Dios, a linugud kaku, at binie na ing sarili na king uli ku.       —Galacia 2:20

Inya pin saklu kayung danum a kagum ning tula karing talaga ning kaligtasan.       —Isaias 12:3

Deting bague sinabi ko kekayu, bang mike kekayu ing tula ku, at ing tula yu miganap.   Juan 15:11

Ipakit me kanaku ing daklat na ning bie: atiu king arapan mu ing mitmung tula; king wanan mung gamat ating pitutulan king kapilan pa man.       —Dalit 16:11

# PAMAMINTU KING DIOS TUNE KAILANGAN 33

## 1 Samuel 12:15

Dapot nung e yu pakiram-daman ing siwala nang JEHOVA, nung e lumaban kayu salang king utus nang JEHOVA, kanita maguing salang ya kekayu ing gamat nang JEHOVA, anti mo inyang maguing laban ya karing kekong mangatua.

## 2 Tesalonica 1:7-9

At ikong mipásakitan painawa kong kayabe mi, king pamipatilip na ning Guinung Jesús manibat banua kayantabe no ding ángeles ning keang upaya king lablab ning api. Ablasan nala ding e maki balu king Dios, ampon de-

tang e mamintu king evangelio ning Guinung Jesús; a mibata la king parusa, king alang anggang kasiran manibat king arapan ning Guinu at king ligaya ning keang sikanan.

## Deuteronomio 1:26-28a

Oini, binili ku king kekong arapan king aldo iti ing kanuanan at ing sumpa: ing kanuanan, nung pakiramdaman yo ding utus nang JEHOVANG kekong Dios, a yuyutus ku kekayu king aldo iti; at ing sumpa, nung e yo pakiramdaman ding utus nang JEHOVANG kekong Dios . . . .

## 34 PAMANGUMPISAL KING DIOS KAILANGAN

Filipos 2:11

At bang ing balang dila ipasiag na king i Jesucristo Guinu ya, king kaligayan na ning Dios a Ibpa.

Mateo 10:32, 33

Inya pin ing balang metung a mipasiag kanaku king arapan ding tau, ipasiag kea naman arapan nang Ibpa kung atiu banua. Dapot ninu man ing milingad kanaku king arapan da ding tau, i-lingad kea naman arap nang Ibpa kung atiu banua.

Roma 10:9, 10

Uling nung ipasiag me king kekang asbuk i Jesús anting Guinu, at paniwalan mu king kekang

pusu king ing Dios pepasublian neng mebie ibat karing mete, ika miligtas ka: uling king pusu ing tau maniwala ya king katuliran; at king asbuk ing pamipasiag king kaligtasan.

1 Juan 2:23

Ninuman ing payali king Anak, ya mu rin ala yu kea ing Ibpa: ing mipapasiag king Anak, atiu naman kea ing Ibpa.

Lucas 9:26

Uling ing ninumang mikarine kaku at karing amanu ku, iti pin ing Anak ning tau pikarine na ya, nung datang ne king keang sari-ling ligaya, at king ligaya ning Ibpa, at karing banal a ángeles.

# ING DIABLO YA ING MARAGUL DILING KALABAN

Maniti kayu, maglame kayu:  
ing kekong kasalang a diablo, anti  
yang leon a mamius, gagala ya,  
manintun yang alaklak na.

—1 Pedro 5:8

A ya pin, a itang keang pania-  
tang makayagpang king pama-  
niapat nang Satanás kambe na  
ing anggung upaya at tanda at ka-  
laraman a makapagmulala.

—2 Tesalonica 2:9

Kanita pin i Jesús dela ne king  
ilang ning Espiritu báneng tuk-  
suan ning diablo. . . . Kanita pin i  
Jesús sinabi na kea, Lisia ka, Sa-  
tanás: uling makasulat, Samba ka  
king Guinung kekang Dios at kea

ka mu sumuyu. Likuan ne pin  
kanita ning diablo; at oini, dina-  
tang la ding angeles at siyuan de.

—Mateo 4:1 at 10, 11

Misulud ko king anggung ga-  
yak ning Dios, bakong malya-  
ring tumibe salang king pirait  
ning diablo.

—Efeso 6:11

Bang ibuklat mo mata, ba ping  
mibalik la ibat king dalumdum a  
ume la king sala at mako la king  
kayupayan nang Satanás a ume la  
king Dios, bang tanggapan da ing  
kapatawaran king kasalanan at  
mana karing migbanal king pa-  
mamilatan na ning kasalpanta-  
yanan kanaku.

—Dapat 26:18

## 36 PAMAGTAGUMPE LABAN KING DIABLO

At kanita mibulalag ya ing tam-  
palasan, a ya patayan ne ning  
Guinung Jesús king pangisnawa  
ning keang asbuk, at ibili ne king  
pangawala king pangapakilala na  
king keang paniatang.

—2 Tesalonica 2:8

Manibat kanita ding anak ma-  
karake la king laman ampon king  
daya, ya man anti mu rin dinake  
ya king anti kaniti; bang king  
pamamilatan na ning kamatayan  
dalan ne king pangawala itang  
maki upaya king kamatayan, a ya  
iti, ing diablo. —Hebreos 2:14

Ninung mikawani kekatamu  
king lugud nang Cristo? ing ka-  
sakitan, o ing pagsalbat, o ing

kaligaligan, o ing danup, o ing  
kalubasan, o ing panganeb, o ing  
talibong? . . . Ali, karing kegana-  
ganang baque a deti maiguit  
tamu karing talapagtagumpe  
king pamamilatan na nitang keka-  
tamu linugud. —Roma 8:35 at 37

King uli na niti pasakup ko pin  
king Dios; dapot salangsang kayu  
king diablo, at ya takasan naka-  
yu. —Santiago 4:7

Ing darapat kasalanan king dia-  
blo ya; uling manibat king mula  
ing diablo mikakasala ya. King  
kabagayan a iti mipakilala ya ing  
Anak ning Dios, bang lasakan  
nala ding dapat ning diablo.

—1 Juan 3:8

## LUGUD YA ING TANDA NING PANGADISIPULO 37

Nung ninuman sasabian na, Aku kaluguran ke ing Dios, at pikasaman ne ing keang kapatad, metung yang malaram: uling ing e lulugud king keang kapatad a keang akakit, e ya malyaring makalugud king Dios a e na ikit.

—1 Juan 4:20

Nung maniabi ku karing amanu ding tau at ding ángeles, dapot ala kung lugud, meguing anti kung tangsung kakatni, o kampa-nang bibiung. —1 Corinto 13:1

Kaniti abalu ra ding sablang tau king alagad dakayu, nung atin kong lugud king metung at metung. —Juan 13:35

Dapot ing bunga ning Espiritu ya ing lugud, tula, kapayapan, kapibabatan, ganaka, kayapan, katapatan, kamung lub, paman-gawat king sarili . . . .

—Galacia 5:22, 23a

Sinabi nang pasibayu kea king kadua, Simón, anak nang Jonás, kaluguran muku? Ya sinabi na kea, Wa, Guinu; ika balu mu king kaluguran daka. Sinabi na kea, Pastulan mo ding tupa ku.

—Juan 21:16

Balu tamu king linabas ta king kamatayan at milipat king bie, uling luluguran tala ding kapatad. Ing e lulugud, manuknangan ya king kamatayan. —1 Juan 3:14

## ING PANGASUBLING MEBIE NANG JESUCRISTO

At saksi kami king anggag bague a depatan na king kakarian ding Judios, at king Jerusalem man a iti pete rea naman a sinabit king metung a dutung. Ya binangun ne ning Dios king katlung aldo, at binie na kea ban talagang mibulalag, e king mabilug a balayan nung e karing saksing pinili nang minuna ning Dios, a ikami pin, a mengan ampon minimum abe na kaibat nang mibangun ibat karing mete.

—Dapat 10:39-41

A iti miabie ya king uli na ning kekatang kapanalangsangan, at sinubli yang mebie dikil king

kekatang ikatanggap banal.

—Roma 4:25

At pangalabas ning walung aldo ding keang alagad atilung pasibayu kilub, at abe re i Tomás. Dinatang ya i Jesús, pakakabat la ding pasbul, at tinalakad ya libutad, at ngana, Kapayapan kekayu. Kanita sinabi na kang Tomás, Iparas me keni ing talirimu, at lawan mo ding gamat ku; at iparas me keni ing gamat mu, at isulut me king katalindikingan ku: at e kasa e talasalpantayanung e talapaniwala ka. Mekibat ya i Tomás, at sinabi na kea, Guinuku, at Dios ko. —Juan 20:26-28



# ING PANYUBLING MEBIE YA ING MALIGAYANG KAPANAYAN

39

Manibat na kanita pigmulan nang pepakilalang Jesús karing keang alagad king kailangan kea ing ume ya Jerusalem, at magdusa yang dakal a bague karing makatua, at karing pun ding sacerdotas, ampon escribas, layun yang mate at subling mie king katlung aldo. —Mateo 16:21

E yu pagmulalan iti: uling datang ing oras a ding anggung atiu king kutkutan damdaman da ing siwala na. At lual la; ding dinapat mayap, king pangasubli nang pasibayu ning bie; at ding dinapat marok, king pangasublingmie king kayatulan. —Juan 5:28, 29

O ala ko waring balu king ita-mung anggung mebinyag kang Jesucristo, king kamatayan na mebinyag tamo? Mikutkut tá ping abe na, king pamamilatan na ning binyag king kamatayan: báng anti mo i Cristo sinubli yang mebie ibat karing mete king uli na ning maligayang upaya na ning Ibpa, makanian mu naman itamu lumakad tá king pangabayu ning bie? Uli ping nung miagum tamu kea king katulad ning keang kamatayan, maguing anti tamu mu naman king katulad ning keang pamaniubling mebie. —Roma 6:3-5

Ban ya ibie na kekatamu, kibat ning pangaligtas tamu king gamat da ding kekatang kasalang, ing suyuan tayang alang takut, king kabanalan at katuliran king arap na, king anggang aldo tamu. —Lucas 1:74, 75

Anti ning atiu pin kekatamu ing pangakung anti kaniti, kaluguran magpakalinis ta sa king anggang karinatan ning laman at king espiritu, gawan tamung sakdal ing kabanalan king takut king Dios. —2 Corinto 7:1

Nung ing metung a lalaki pin melinis ing sarili na kareti, ma-

guing metung yang lulanang king kapurian, meguing banal, karampatan king pangagamit king Guinu, misadia king balang dapat a mayap. —2 Timoteo 2:21

Agpang king pamangilalang makauna ning Dios Ibpa, king pamipabanal na ning Espiritu, tungkul king kapamintuan at pamamisik king daya nang Jesucristo: Kalam kekayu at kapayapan a dakal sa. —1 Pedro 1:2

Dapot katulad na ning pangabanal na nitang kekayu minaus, magpakabanal kayu naman king keganaganang ayus ning kabia-yan. —1 Pedro 1:15

**Isaias 35:8**

At mika atin karin metung a maliwalas a dalan, at metung a landas, at mayaus yang Ing dalan na ning kabanalan; ing marinat e dumalan karin; nung e iti dikil ya karing meatbus: ding labas-lábas a tau, wa ding mangmang, e la mabalatung karin.

**Hebreos 13:12**

Inya pin i Jesús man, bang apa-pagbanalan na ing balayan king pamamilatan ning sarili nang daya linasa ya lual ning pasbul.

**1 Juan 1:9**

Nung ipasiag tamu ing kekatang kasalanan, ya tapat ya at

banal bang patawaran nakatamu king kekatang kasalanan, at linisan nakatamu king sablang dewakan.

**Mateo 3:11**

Aku king katutuan bibinyagan da kong danum king pamanisi; dapot ing datang king tauli ku, mayupaya ya pa kanaku, a e ku bague mang magdala karing keang sapin: ya binyagan nakayu king Espiritu Santo ampon king api.

**Efeso 1:4**

Dikil king pangapili tá na kea bayu melalang ing yatu, bátang maguing banal a alang pangapintas king arapan na king lugud.

## 42 TAUNG MANGATMU KING ESPIRITU SANTO

Lucas 11:13

Nung iko ping mangarawak, bisa kong munie mayap a pagkalub karing anak yu, e kasi lalu na i Ibpa yung atiu banua a ibie ne ing Espiritu Santo karing maniwad kea?

Dapat 1:8a

Dapot tanggap kong upaya, pamaniatang na ning Espiritu Santo kekayu: at ikong maguing saksi ku . . . .

Ezequiel 36:27

At ibili ke ing kakung Espiritu king lub yu, at palakaran dakayu karing kanakung tuntunan, at ingatan yula ding kanakung kautusan, at daptan yula.

Roma 8:9

Dapot ikayu ala ko king laman, nung e king Espiritu, nung makanian ing Espiritu ning Dios manuknangan ya kekayu. Dapot nung ninu mang tau a ala yu kea ing Espiritu nang Cristo, iti ala ya king kea.

Dapat 13:52

At ding alagad kitmuan lang tula ampon king Espiritu Santo.

Dapat 4:31

At inyang mekapanalangin nala ing karinan a pititipunan dang miabeabe minugun ya at kitmuan la ngan king Espiritu Santo; at miniabi la king amanu ning Dios king tetagan.

# MAKAPAGMULALANG PANGAKO KARING 43 CRISTIANOS

Dalit 34:18

I JEHOVA malapit ya karetang malalaso pusu, at liligtas nala ding ating espiritung magsalbat.

Isaias 66:2

Uling, ding sablang bague a deti guewa no ning kakung gamat at makanian lang linto ding sablang bague a deti, nganang JEHOVA: dapat king taung ini lumawe ku, king pakakalulu pin at maki metung a magbitkil a espiritu, at itang gagalgal king kakung amanu.

1 Pedro 4:12, 13

Kakung kaluguran, e yu pagmulalan ing tungkul king mapal-

ing subuk kekayu, nung isanu ing daratang kekayu bakong masubuk, a balamu ing metung a makapagmulalang bague mepalyari kekayu: nung e bagkus anti ning makarake kayu karing kasakitan nang Cristo magsaya kayu; bang king pangabulalag na naman ning keang ligaya tumula kayu king ganap a tula.

Apocalipsis 21:4

At pulisan na ing anggung lua karing mata ra; at ing kamatayan mawala na; ni e na mika lungkut, aguiang aklis, aguiang kasakitan: ding mumunang bague linipas nala.

Uling anti ning ya migkasakit ya king pangatuksuan, ya malyaring asaupan nala naman detang mitutuksuan. —Hebreos 2:18

At ing Dios ning kapayapan dnutan neng agad i Satanás king lalam da ding kekong talampakan. —Roma 16:20

Dakal ing kasakitan na ning matulid; dapot liligtas neng JEHOVA king sablang iti ngan. —Dalit 34:19

E ko mirasnan nanumang tuksu a e na malyaring apibata ning ni-numang tau: dapot tapat ya ing Dios, a iti e na paintulut king tuksuan dakayu a maiguit ketang

aguiu yung pibatan; dapot kawanglangkap ning tuksu, gawan na neman ing dalan na ning pamana-kas, báyung malyaring apibata.

—1 Corinto 10:13

At balu tamu king karetang malugud king Dios ding sablang bague darapat lang makapamis-an dikil king mayap, karetang mayayaus agpang king keang nasa. —Roma 8:28

Ngening daralan ka king dandum, mantabe ku keka; at karing ilug, e raka ipalbug: nung daralan ka king apí, e ka maruluk, ni e mitau man ing lablab keka.

—Isaias 43:2

Ing magwagui, manan no deting bague; at akung maguing Dios na at ya maguing anak ke.

—Apocalipsis 21:7

Ing magwagui, iti misuluran yang makanian king imalan a maputi: at e ke patdan ing laguiu na king libru na ning bie, at patutuan ku ing laguiu na king arapan nang Ibpa ku, at king arapan da ding keang ángeles. —Apocalipsis 3:5

Ing magwagui, aku gawan keng metung a asias king pisamban ning kakung Dios, at e ne lual karin: at isulat ke kea ing laguiu ning kakung Dios, at ing laguiu na ning ciudad ning kakung Dios,

ing bayung Jerusalem, a iti datang yang lual king banua a manibatan king kakung Dios, at ing sarili kung bayung laguiu.

—Apocalipsis 3:12

Ing magwagui aku paintulutan keng makiluklukan kanaku king kanakung luklukan, anti ning aku man migwagui ku, at mekiluklukan ku kang Ibpa ku king keang luklukan. —Apocalipsis 3:21

Ing maki balugbug, pabustan yang makiramdam king sasabian na ning Espiritu karing iglesia. King magwagui, pakanan ke king dutung ning bie a atiu kilub na ning Paraiso ning Dios.

—Apocalipsis 2:7

## ING DIOS MAGSALITA YA KEKATAMU TUNGKOL KING DIBORSYO

1 Corinto 7:10, 11

Dapot karing talasawa iyutus ku, wa aliwa aku, nung e ing Guinu, King e ya sa kakawani ing babai king keang asawa; (Dapot nung kawani ya, manatili yang e makiasawa, o kaya makikasundu ya king keang asawa); at ing lalaki e ne sa lalakuan ing asawana.

Roma 7:2, 3

Uling ing babaing makiasawa makatali ya king kautusan king keang asawa kabang iti mabie ya; dapot nung mete ne ing asawang lalaki, makalual ne king

kautusan ning asawang lalaki. Inya pin, kabang mabie ya ing asawang lalaki, makiabe ya king aliwang lalaki, mayaus yang metung a paliwas: dapot nung mate ne ing asawang lalaki, timawa ne king kautusan, nanupata e ne paliwas, bistá mang makikame-tung ya king aliwang lalaki.

Mateo 5:32

Dapot kekayu sasabian ku, a ninuman ing kawani king asawana, nung e ya murin pepaliwas, gagawan neng metung a paliwas: at ing ninumang makiasawa king kewanian, mikasala ya king pamipaliwas.



At nung mako naku at asadia ke kekayu ing karinan, datang kung pasibayu, at aku tanggapan dakayu kanaku; bang nung nu ku karin, karin kayu naman.

—Juan 14:3

Aku datang kung agad; ingatan mung matibe ing atiu keka, bang ala ninu man a manikua king kekang corona.

—Apocalipsis 3:11

Uling anti mo ing kildap lalto ya king aslagan, at mayayakit yang sasala angga na king albugan; makanyan mu naman ing panyatang na ning Anak ning tau. . . . At kanita pin lunto ya ing tanda ning Anak ning tau king

banua: at kanita pin maglunus la ding anggung dai keti sulip, at akit de ing Anak ning tau datang yang atiu babo ding biga ning banua, kagum na ing kayupayan ampon ligaya. —Mateo 24:27, 30

Uling karing mikarine kaku at karing amanu ku king daing iti a makipangalugud at palpikasala, ing Anak ning tau pikarine naya naman nung datang ne king ligaya nang Ibpa na a kayabe no ding banal a ángeles.

—Marcos 8:38

Mibata kayu naman: patibayan yula ding kekong pusu: uling ing paniatang ning Guinu malapit na. —Santiago 5:8

## 48      ING KADUA NANG PANYATANG CRISTO

Kakung kaluguran, ngeni anak nakatamu ning Dios, at e pa mipabalu ing kekatang kararasan. Baluan tamu, nung mipabalu ne, itamu mitulad ta kea, uling akit taya anti mo ing pangabili na.

—1 Juan 3:2

Oini, aku datang kung anting metung a mapanako. Nuan ya itang lalame, at ingatan na ing imalan na, a magkang lumakad yang lubas, at atangalan da ing keang kamarinayan.

—Apocalipsis 16:15

Ikayu man pin magsadia kayu; uli ning king oras a e yu isipan ing Anak ning tau datang ya.

—Lucas 12:40

A miniabi mu naman, Lalaki ning Galilea, baket makatalakad kong makalawe banua? iti mu ring Jesús, a meakua kekayu babo banua, makanian ya namang datang nung makananu yeng ikit mine banua.

—Dapat 1:11

Uling ing Anak ning tau datang ya king ligaya nang Ibpa na kayabe no ding keang angeles; at kanita ibie na king balang metung a tau ing karampatan king depatan na.

—Mateo 16:27

At kanita akit de ing Anak ning tau datang ya king metung a biga a maki upaya at dakal a ligaya.

—Lucas 21:27

## ING AMANU NING DIOS

Ing banua at ing labuad lumipas la: dapot ding amanu ku e la lumipas. —Lucas 21:33

Dapot i Jesús mekibat ya at ngana karela, Mababalatung kayu, uling e yo balu ding Kasulatan, ampon ing kayupayan na ning Dios. —Mateo 22:29

Uling kapilan man alang ula a mipadala king kaburian ning tau: nung e ding tau miniabi lang ibat king Dios king kimut ning Espíritu Santo. —2 Pedro 1:21

Ing balang kasulatan a kesian na ning Dios mapakinabang mu naman king pamanuru, king pa-

mangamanu, king pamanlarin, king pamanuru king atiu king katuliran. —2 Timoteo 3:16

Ing kekang amanu sinimpan ku king kakung pusu, bang e ku mikasala salang keka.

—Dalit 119:11

Ing kekang amanu sulu ra ding bitis ku, at sala na ning daklat ku.

—Dalit 119:105

E yu daragdagan ing amanu a kanakung inutus kekayu, ni kulangan man iti, bang pamintuan yu ing utus nang JEHOVA a Dios yu, a inutus ku kekayu.

—Deuteronomio 4:2

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

World Missionary Press  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

7-24



Read booklets online or by App  
[www.wmp-readonline.org](http://www.wmp-readonline.org)  
181 Pampango HFA